

Laoch Spóirt



Buíochas le Sportsfile

AISÉIRÍ NA DRAÍOCHTA

David Clifford

Le Liam de Lása

Tá nach mór fiche bliain imithe ó thosnaigh an chaint ar chlaochlú an chluiche caide. An sórt cainte a ndeachamar i dtaithe air agus mionscagadh ar bun ag na saineolaithe tar éis chluichí an Domhnaigh ar The Sunday Game. Chruthaigh sé deighilt idir lucht leanúna ar an dá thaobh den chlaí: dóibh siúd den tuairim go raibh cuid shuntasach den draíocht, áilleacht agus anam dár gcluiche ag imeacht le sruth de dheasca teaicicé diúltacha le róbhéim ar an gcosaint agus dóibh siúd a chuir fáilte roimh athruithe agus modhanna nua-eolaíochta i bhforbairt an chluiche.

Don dream ar theastaigh uathu flúirse scóranna a fheiscint, dheineadar a n-argóint go paiteanta go raibh todhchaí an tosaí nádúrtha go mór i mbaol. Dá mbeadh an lá leis na córais chosanta, mar shampla, nach leagfaí an bhéim chéanna ar shaibhriú na scileanna os comhair an chúil, cos dheas, cos chlé, conas dallamullóg a chur ar chosantóirí agus brabhsach a bhaint as an líontán.

Cuireann éachtaint ar chuid de na cluichí sa tréimhse chéanna in iúl dúinn go raibh smúit mhaith den fhírinne sa mhéid sin ach tiocfadh lá an scóralaí níos luaithe ná mar a bhíothas ag súil leis.

Réalt Óg

Bhí caint ar David Clifford i bhfad siar sular tháinig sé isteach ar phainéal sinsir Chiarraí agus bhí lucht traidisiúnta ag faire air le dóchas óir thuigeadar a thallann, a stuaim agus a nádúrthacht mar pheileadóir óg.

Bhí foireann mhionúr na Ríochta ag treabhadh leo ag buachtaint ceithre chraobh uile-Éireann as a chéile agus bhí raic á déanamh ag Clifford idir 2016 agus 2017. Amhail Joe Canning le hiománaithe na Gaillimhe siar sa bhliain 2008 ní raibh aon amhras ach go gcaithfeadh sé geansaí Chiarraí luath nó mall. Ní cuimhin liom féin an oiread cainte ar imreoir mionúir cheana.

D'eascair formhór na cainte as feachtas na gcoláistí le scoil Naomh Bhreandáin i gCill Airne agus bhíomar ag feitheamh go foighneach air geansaí Chiarraí a chaitheamh sna samhraí a tháinig ina dhiaidh sin. Thug sé spléachadh dúinn i gCluiche Ceannais Mionúr na hÉireann 2017 le ceann de na taispeántais ab fhearr a chonacthas riamh ag an leibhéal san. 4-4 a tháinig óna dhá bhróg i gcoinne Dhoire agus bhí cuid dá ghaiscí leis an gcaid áirithe i measc bhuaicphointí na bliana sin.

Ardú Céime

Tá dhá bhliain caite aige ar an bhfoireann sinsir anois agus a chuid taispeántas aitheanta le gradam Imreoir Óg na Bliana 2018 agus dhá ghradam All-Star buaite aige as a chéile. Tugadh ról an chaptaein dó ag tús na bliana seo ach do bhí muc ar gach mala ag mórán i gCiarraí agus níos faide i gcéin. Deineadh an argóint go raibh sé ró-óg fós, agus go mbeadh ualach an chúraim róthrom ar a ghuailí. Ghlac sé leis an onóir agus chuaigh sé i mbun a chuid gnó mar ba ghnách dó a dhéanamh. Pé ní a bheadh le rá aige ba ar an ngort caide amháin a déarfadh sé é.

Déanaim amach go mbeadh a ainm ar bharr aon liosta "aistrithe" ar bhainisteoirí na laethanta seo. Tá na comharthaí sóirt ann go n-athróidh sé múnlaí traenála agus modhanna forbartha d'imreoirí atá le teacht.



Buíochas le Sportsfile

Gach seans go gcífimid bainisteoirí ag tabhairt scóipe agus sairse d'imreoirí óga le himeacht ar an ionsaí agus dul sa seans as seo amach.

Fé mar a dúirt cheana níl saol imeartha Clifford ach ina thús ach tá fear óg an Fhosaidh tar éis dul i gcion ar dhaoine a bhfuil meas orthu ar bhreáthacht, draíocht agus saibhreas an chluiche. Is olc an ghaoth a deirtear agus ceal cluichí na laethanta seo tá an chaint ar chórais chosanta díbeartha ón díospóireacht ar feadh tamaill. Le teacht imreoirí ar nós Clifford ní bheidh a leithéid de chaint chomh mór chun tosaigh arís.

Claochlú - Change

Mionscagadh - Critical Examination

Flúirse - Plenty

Brabhsach - Shake

Baol - Danger

Stuaim - Self-Control

Ag Faire - Watching

Ag Treabhadh - Ploughing

Raic - Uproar/Racket

An Ríocht - The Kingdom

Díbeartha - Banished

Córais Chosanta - Defensive Systems

Cúinne na bPáistí

Cuardach Focal

M	A	E	A	H	S	A	E	R	H	B	I	A	S
P	C	E	H	S	C	I	L	E	A	N	N	A	A
I	A	D	P	A	I	T	E	A	N	T	A	I	I
D	R	O	F	F	I	L	C	T	F	F	P	S	T
S	F	I	E	C	A	I	N	T	N	A	E	T	H
S	I	R	N	A	T	S	O	I	L	I	G	R	E
A	C	E	C	S	H	B	M	H	S	R	A	E	A
M	H	D	A	E	F	B	E	B	T	E	O	A	N
P	E	I	P	A	I	I	A	O	H	A	T	B	T
L	L	A	T	N	E	F	S	A	T	D	H	H	A
A	A	C	A	S	A	H	I	R	H	R	H	A	A
T	L	O	E	I	N	N	S	C	N	H	H	D	I
B	A	I	N	I	S	T	E	O	I	R	F	H	I
N	F	P	I	T	H	C	A	E	M	I	P	T	I

LIOSTA
GAOTH
PAITEANTA
CAINT
CLIFFORD
SAIBHREAS
FAIRE
IMEACHT
TREABHADH
CAID
BAINISTEOIR
AITHEANTA
DOIRE
CAPTAEN
SCILEANNA
CRAOBH
SEANS
FICHE
MEAS
SAMPLA